



Der Kanzleidirektor
Il chancelier
Il Cancelliere

Adressatas ed adressats
tenor la glista da distribuziun

Cuira, ils 24 da mars 2017 Fr/hn

**Revisiun parziala da la lescha davart ils dretgs politics en il chantun Grischun;
creaziun da las basas giuridicas per la votaziun electronica (e-voting)**

Stimadas dunnas e stimads signurs

La chanzlia chantunala ha elavurà in sboz per ina revisiun parziala da la lescha davart ils dretgs politics en il chantun Grischun (LDPC; DG 150.100). Qua tras duain vegnir stgaffidas las basas giuridicas chantunalas necessarias en cumplettaziun dal dretg federal, per pudair introducir la votaziun electronica (e-voting) sco terz chanal da votaziun ordinari sin tut ils plauns statals dal chantun. Plinavant duai il project pussibilitar ina debatta fundamentala, ed i duai er vegnir determinà il rom finanziel per l'introducziun dad e-voting en il chantun Grischun.

Ils 14 da mars 2017 ha la regenza deliberà quest sboz per la consultaziun. Dal sboz da consultaziun e da las explicaziuns pudais Vus prender invista en furma electronica sin la pagina d'internet da la chanzlia chantunala (www.staka.gr.ch → Rumantsch → Consultaziuns). Vus pudais dentant er retrair ils documents sin palpiri tar la chanzlia chantunala (tel. 081 257 22 23).

Nus As envidain d'examinar quests documents e d'inoltrar Vossa posiziun en scrit ed en furma electronica **fin il pli tard ils 24 da zercladur 2017** a la **chanzlia chantunala, chasa grischa/Reichsgasse 35, 7001 Cuira**, u per mail a vernehmlassungen@staka.gr.ch. Per ulteriuras infurmaziuns stat il vicechancelier lic. iur. Walter Frizzoni a Vossa disposiziun (tel. 081 257 22 22).

Nus engraziain per Voss interess.

Cun salids amicabels

CHANZLIA CHANTUNALA DAL GRISCHUN

Il chancelier

A handwritten signature in blue ink, appearing to read 'C. Riesen', is centered on the page. The signature is written in a cursive, flowing style.

Dr. C. Riesen

Adressatas ed adressats da la consultaziun (glista da distribuziun):

- partidas politicas
- vischnancas
- regiuns
- departaments da l'administraziun chantunala
- controlla chantunala da finanzas
- incumbensà chantunal per la protecziun da datas